



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus XVIII. De Dominica Passionis, seu quinta in Quadragesima, & Ferijs
infra Hebdomadem Passionis Occurrentibus.

urn:nbn:de:hbz:466:1-39937

Christi, omittendo *Excelsa* nostra eo Tempore, quò ipsa *Trinitas* dehonestatur in *Persona* Christi, ut loquitur *Alcuinus*. In *Psalmis* tamen nondum taceretur *Gloria Patri*; quia *Psalmi*, ut notat *Guil. Durandus* L. 6. Rat. c. 60. significant *Opera*, at nondum *Judæi* operibus, sed *linguis tantum* de *Necesse* Christi agunt: in triduo verò *Major*: *Hebdomadæ* removeretur id etiam à *Psalmis*; quia ipso opere compleverunt *Necem* Christi.

TITULUS XVIII.

De Dominica Passionis, seu quinta in Quadragesima, & Ferijs infra Hebdomadem Passionis Occurrentibus.

DOMINICA DE PASSIONE inde sortita est Nomen, quòd, cum sub *Vesperum* Sabbati, eam præcedentis, coactum fuerit à *Judæorum* Principibus *Concilium* adversus *JESUM*, ut eum morti traderent (ut verosimiliter L. 5. c. 1. probat *Rupertus*) *CHRISTI PASSIO* ab hoc Tempore clarius representari, & major etiam ea propter tristitia in *Officijs* Ecclesiasticis demonstrari incipiat: unde & *Cantores* ex præscripto *Cæremonialis* *Episc.* L. 2. c. 20. ab hac *Dominica* *V. Quadragesime* usque ad *Pascha*, exceptà *Ferià V. in Cæna Domini*, non utantur *cantu figurato*.

K 3

Dixi autem: In *Officio* de Tempore; nam quando Tempore Passionis *Officium* sit de *Sancto*, non omittitur *Gloria Patri* ad *Responsorium* breve. Quid autem sit observandum ex sensu *Gavanti*, si in *Sabbatum* præcedens *Dominicam* Passionis, aut *Palmarum*, incidat *Festum Semiduplex*; item, si *Festum Semiduplex* sequatur *Dominicam* Passionis, dictum est paulò ante.

sed *Gregoriano*: Id quod saltem diebus, in quibus sit *Officium* de Tempore, observatur. Est autem *DOMINICA* Passionis *Dominica Major 1. Classis*, id est *privilegiata* contra quodcunque *Festum 9. Lektionum* in ea occurrens: In *Ecclesijs* tamen, ubi hodie est *Titulus Ecclesiæ*, vel *concursum populi ad celebrandum Festum*, quod transferri debet (v. g. *S. Josephi*, aut *Annuntiationis B. V. M.*) possunt juxta *Rubr. Gener. VI. Missal.* hanc *Dominicam* cantari *duæ Missæ*, una de die, Altera de *Festo* post *Horam* utriusque congruentem, de qua *Rubr. Gen. XV. Missal. n. 2.* & *Gav. Tom. 1. P. 1. Tit. 6. & 17.*

Dicit

Diciturque in Missa de Festo Psal-
mus *Judica, Gloria, Credo, & Tra-*
ctus, præf. de Festo, si propriam
habeat, sine aliqua Commemora-
tione: in fine Ire, & Evang. S.
Joann. Admittit quoque hæc Do-
minica Commemorationem Festi
Simplicis in Vesperis, Laudibus, ac
Missa, non item nonam de eo Le-
ctionem.

OFFICIUM Dominicæ de Pas-
sione sic ordinatur: Ad MATUTINUM
dicitur Invitatorium: *Hodie si vo-*
cem Domini audieritis &c. uti no-
tatur in Proprio de Tempore. In
strophæ penultima Psalmi *Venite*
&c. omittuntur verba illa: *Hodie*
si Vocem ejus &c. & locò illorum
repetitur à Choro (aut Socio illum
representante) Invitatorium: *Ho-*
die si Vocem Domini audieritis, noli-
te obdurare corda vestra: deinde sequi-
tur: Sicut in exacerbatione &c. In fi-
ne Psalmi *Venite* non dicitur: *Glo-*
ria Patri &c. totò hoc Tempore
Passionis (nisi fiat Officium de Fe-
sto) sed repetitur Invitatorium, ut
aliàs in fine. At cum dubitaretur:
an in Officio de Tempore Passionis
post Versum: *Quadragesima annis*
&c. dictò ex integro Invitatorio:
Hodie si vocem Domini &c. omisso
Gloria Patri, dici debeat: *Nolite*
obdurare corda vestra, ac tum pri-
mùm integrè repeti Invitatorium:
Hodie si vocem Domini &c. Sac. Rit.
Congregatio die 2. Jan. 1667. apud

Henric. Pisart in *Dir. Can. c. 6. Propr.*
de Temp. respondit: *omissis Gloria*
Patri, & nolite obdurare corda ve-
stra, repeti tantummodo debere In-
vitorium: *Hodie si Vocem Domi-*
ni audieritis, nolite obdurare corda
vestra: additque idem Pisart, id
ipsum ab eadem S. R. C. confirma-
tum esse 1683. 24. Julij, confor-
miter Rubricæ Dominicæ Passionis.
Id ipsum etiam servatur hoc Tem-
pore in Responsorijs majoribus ad
Matutinum, & in Responsorijs bre-
vibus *Horarum ac Completorij*, in
quibus similiter omisso *Gloria Patri*
repetitur Responsorium usque ad Ver-
sum in Officio de Tempore Passio-
nis, ut supra insinuatum. Hymnus
Matutini: *Pange Lingua &c.* ut in
Propr. de Tempore. Antiphonæ
& Psalmi ad 3. ejus Nocturnos, ut
in Psalterio in Dominicis per an-
num. Versus in Fine Nocturno-
rum, ut ibid. notantur pro Tem-
pore Passionis. Lektionen & Re-
sponsoria 3. Nocturnorum propr. et
Proprio de Temp.

Ad Laudes Psalmus 1. Misere-
re. 2. Confitemini, reliqui cum Can-
tico 3. Pueror. ut in Dominicis per
annum: at verò Antiphonæ (et
etiam ad *Benedictus*) Capitulum,
Hymnus, Versus, & Oratio propr.
ex PROPRIO de Tempore, cum
Commemoratione Simplicis, si quod
hodie occurrat, omissis verò Com-
memorationibus Communibus, seu
Suffra-

Suffragijs Sanctorum, non tamen Precibus Dominicalibus ad *Primam*, & *Completorium*.

Ad *PRIMAM* Antiphona propr. In eadem locò Psalmi *Confitemini* dicitur Psalmus *Dominus regnavit* & c. Reliqua ut in Psalterio in Dominicis per annum, nisi quòd omittatur *Gloria Patri* & c. in Responsorio brevi; & ad Absolutionem Capituli ab hodierna Dominica usque ad Feriam V. in Coena Domini exclusivè dicatur in Officio de Tempore (etiam in Ferijs) *Letitio brevis* : *Faciem meam* & c. ut in Psalterio Tempore Passionis.

Ad *TERTIAM*, *SEXTAM*, ac *NONAM* Antiphonæ, Capitulum, & Responsor. brev. uti notantur in Proprio de Tempore. Oratio eadem, quæ in Laudib.

MISSA propr. cum Tractu, & *Credo*, attamen *sine Gloria in Excelsis* & c. In eadem Missa hodierna, ac cæteris deinceps Missis de Tempore usque ad Sabbatum Sanctum exclusivè post *Intrōibo* & c. non dicitur Psalmus *Judica me DEUS*; nec *Gloria Patri* ad Introitum, nec ad finem Psalmi *Lavabo* & c. Id ipsum etiam hâc, & sequente Dominicâ omittitur ad *Asperges* & c. post Psalmum *Miserere*, ut in Missali in Rubrica: *De Asperione Aquæ benedictæ*. Ab hâc die usque ad Feriam V. in Coena Domini in Missis de Tempore (excipitur Dominica Pal-

marum) post Orationem diei dicitur Oratio vel contra Persecutores Ecclesiæ, vel pro Papa, uti notantur hâc Dominicâ; & quia non dicitur in his Missis tertia Oratio, ideo etiam cum occurrit *Festum Simplex*. Oratio 2. est de illo tantum in Missis de Tempore. Dixi : In Missis de Tempore; nam si infra hanc Hebdomadem fiat Officium de *Festo Semiduplici*, tunc in Missis privatis dicuntur 3. Orationes, quarum 2. est de Feriâ corrente, 3. *Ecclesiæ*, vel pro Papa, nisi simul occurrat *Festum Simplex*; tunc enim 3. est de illo Simplici in Missis ejusmodi *privatis*; at ubi infra Hebdomadem Passionis in ejusmodi *Festo Semiduplici* cantandæ erunt duæ Missæ Conventuales (uti in Ecclesijs Cathedral. & Collegiatis) una de *Festo*, altera de *Feria*, in *Missâ de Festo Semid.* 2. Oratio erit *Ecclesiæ*, vel pro Papa, aut, si occurrat *Festum Simplex*, de *Festo Simplici*; in Missa verò de *Feria* Oratio 2. erit *Ecclesiæ* vel pro Papa, non autem de Simplici, etiam si tale simul occurrat; neque dicitur 3. Oratio tam in Missa Conventuali de *Festo*, quam in Missa Conventuali de *Feria*, ut suò locò dicitur & videri potest Arnaldus Tr. 1. P. 1. Tit 9. n. 3. & 4. Item Bauldry P. 3. c. 7. in Tit. de Orat. n. 4. ubi addit : In ijs Ecclesijs, in quibus dicitur tantum unica Missa hoc Tempore in *Festo Semiduplici*,
ibi,

ibi dicendam eam esse de Festo, & in ea perinde, ac in Missis privatis, dicendas esse tres Orationes, quarum secunda sit de Feria, tertia *Ecclēsiæ* vel pro Pap. Quod ipsum etiam asserit de Missis *votivis privatis*, si quæ in Ferijs hujus Hebdomadæ dicantur; nam & in istis dicendas esse tres Orationes.

Præfatio Missæ dicitur de Cruce in hodierna ac reliquis quoque deinceps Missis usque ad Feriam V. in Cæna Domini inclusivè, etiam in *Festis*, ac *Missis votivis*, nisi propriam habeant, aut nisi dicatur *Missæ de Requiem*; in hac enim semper dicitur Præfatio Communis, & *Communicantes* Commune, quocumque Tempore dicatur. In fine hodiernæ Missæ *Benedicamus &c. Col. Violaceus*.

Vespera hodierna, si cras occurrat Festum Duplex, erunt de illo, cum Commemoratione Dominicæ hodiernæ, atque etiam Festi Simplicis, si quod cras occurrat, nisi Duplex illud sit 1. aut 2. Classis; tunc enim fieret Commemoratio solius Dominicæ in hodiernis Vesperis. Quod si verò cras non occurrat Festum Duplex, tunc Vesperæ hodiernæ totæ erunt de Dominicæ currente, dicendo illas quoad Psalmos, & Antiphonas Psalmorum uti in Dominicis per annum: Capitulum verò, & Hymnus (*Vexilla Regis*) ac Versus dicentur ut in 1.

Vesperis Dominicæ currentis, prout norantur in Proprio de Tempore, in Sabbato ante Dominicam Passionis. Antiphona ad *Magnificat* propria: Oratio eadem, quæ in Laudibus, ac per Horas; & sit Commemoratio de Festo Semiduplici, vel Simplici cras occurrente, si ejusmodi Festum cras occurrat, *Col. Violac.* Quod si cras Festum Duplex, aut Semiduplex non occurrat, tunc hodie post Vesperas diei dicto *Benedicamus*, dicuntur Vesperæ Defunctorum.

De non dicendis hoc Tempore Commemorationibus Communitatis, seu Suffragijs Sanctorum post *Vesperas*, ac Laudes, deque omitendo *Gloria Patri* in Responsorij brevib. Horarum, ac *Completoij &c.* dictum est heri. Si in hanc Dominicam incidat Festum Annuntiationis (ut anno 1703.) aut S. Josephi, transferuntur in Ecclesia universalis in solo Choro in diem proximam non impeditam (id est, solummodo quoad *Officium & Missam*) non autem etiam in foro, seu quoad obligationem audiendi Missam & abstinendi ab opere servili: Quod si dies illa non impedita sit Feria II. mox subsequens, tunc 1. Vesperæ Festi in eam translati totæ erunt in Dominica Passionis de Festo translato subsequente, cum Commemoratione Dominicæ, & ad *Completoij* dicitur *Gloria Patri* in Responso-

Sponsorio brevi, nec non in fine Hymni (si Vesperæ fuerint de Festo Annunt.) Versus : *Jesus Tibi sit Gloria, qui natus es &c.* Col Alb.

FER. II. & reliquis Ferijs hujus Hebd. post Dominicam Passionis, nisi occurrat Festum 9. Lctionum, fit de ea Officium feriale in hunc modum : Ad *Matutinum* dicitur Invitatorium, Psalmus *Venite* (omisso in fine *Gloria Patri &c.*) & Hymnus *Pange Lingua*, ut in Dominica Passionis, at verò Antiphonæ, & Psalmi de Feria currente, ut in Psalterio per annum : Versus post Psalmos, ut ibid. Tempore Passionis. Lctiones, & Responsorioria, uti notantur pro Feria currente in Proprio de Tempore.

Ad *Laudes* Antiphonæ & Psalmi de Feria currente, ut in Psalterio per annum : Capitulum *Venite, mittamus Lignum &c.* uti notatur Feria II. post Dominicam Passionis : Hymnus *Lustra sex &c.* ex Laudibus Dominicæ hesternæ : Versus : *Eripe me de inimicis meis &c.* ut ibid. Antiphona ad *Benedictus*, & Oratio propria, uti notantur in Proprio de Tempore pro Feria currente, cum Commemoratione Festi Simplicis occurrentis, si tale forsitan occurrat : atamen sine *Commemorationibus* Communib. & *Suffragiis* Sanctorum, etiam de Cruce. Ad *Laudes* & *reliquas Horas* dicuntur *Preces* feriales flexis genibus in

L

Officio feriali usque ad Fer. V. in Cœna Domini, positæ in Psalterio post *Laudes* feræ II. ac suis respectivè locis.

Si *Feriâ* II. hodiernâ non occurrat Festum 9. Lctionum, tunc hodie in Choro post *Laudes* Diei (dicto *Benedicamus*) dicitur etiam *Matutin.* & *Laud.* Officij *Defunctorum.*

Ad *PRIMAM* hodie & seqq. Ferijs, usque ad *Majorem* Hebdomadem exclusivè, dicitur Antiphona : *Libera me Domine &c.* & ad *Absolutionem* Capituli usque ad *Feriam* V. in Cœna Domini exclusivè *Lectio* brevis : *Faciem meam non averti &c.* prout notantur *Feriâ* 2. hodiernâ in *PROPRIO* de Tempore, atque etiam in *Officio* feriali ad *PRIMAM* extra *Tempus* Paschale pro *Tempore* Passionis : reliqua ut in feriali *Officio* per annum, nisi quòd in *Responsorio* brevi omitatur *Gloria Patri &c.* dicanturque *Preces* feriales flexis genibus ut ibi.

Ad *TERTIAM*, *SEXTAM*, & *NONAM* hodie, ac seqq. Ferijs hujus Hebdomadæ Antiphonæ ante Psalmos uniuscujusque *Horæ*, uti & *Capitulum*, *Responsorium* breve, & *Oratio* dicuntur prout notantur hâc *Feriâ* II. in *Proprio* de Tempore, atque etiam in ipso *Psalterio* ad finem cujuslibet *Horæ* parvæ pro *Tempore* Passionis ; Reliqua verò dicuntur uti in *Ferijs* per annum, nisi

nisi quòd dicantur Preces feriales flexis genibus ad singulas Horas, ut supra.

Si hodie, aut aliâ Feriâ hujus Hebdomadæ occurrat Festum Duplex, aut Semiduplex, fit de eo Officium, & Missa, ut suò locò notantur; & in hac (uti & in Missis *Votivis* hujus Hebdomadæ, etiam eâ, quæ dicitur de *Pasione*, aut de *S. Cruce*) dicitur Psalmus *Judica*, item *Gloria Patri* ad Introitum, & ad Psalmum *Lavabo* &c. nec non (præter alia, cuius Festo alioqui convenientia) etiam *Tractus* post *Graduale* cuius *Missa Festiva* proprius: idem in *Missis* quoque quibuscunque *Votivis* hoc Tempore dicitur. In *Missâ* de *Duplici* Oratio 2. est de *Feria* curr. cui subjungitur *Commemoratio* de Festo *Simplici*, si quod occurrat: At verò in *Missâ* de *Festo Semiduplici*, 2. Oratio est de *Feria*. 3. *Ecclesiæ*, vel pro *Pap.* nisi faciendâ sit *Commemoratio* de *Festo Simplici* occurrente; tunc enim 3. erit de illo (omiſſa *Oratione* pro *Ecclef.* vel *Pap.*) in *Missis* privatis ut supra. In iisdem quoque *Missis* (tam *festivis* scilicet, quam *Votivis*) infra hanc Hebdomadem celebratis, dicitur *Præfatio* de *S. Cruce*, nisi propriam habeant: In fine quoque *Missarum Festivaram* dicitur *Ite*, & in his posterioribus ult. *Evangelium* de *Feria* corrente. Si verò hodie, aut aliâ Feriâ hujus

Hebdomadæ non occurrat *Festum* 9. *Lectionum*, tunc sicut *Officium*, ita etiam *Missa* (nisi placeat dicere *Votivam*, aut facere de *Requiem*) dicitur de *Feria* corrente, uti notatur in *Proprio* de *Tempore*, sine *Gloria*, & *Credo*; omiſſo item post *Introibo* Psalmò *Judica me DEUS*, nec non *Gloria Patri* ad *Introitum*, & ad finem Psalmi *Lavabo*. *Oratio* 2. *Ecclesiæ* vel pro *Papa* tantum, nisi occurrat *Festum Simplex*; nam si tale occurrat, tunc omiſſa *Oratione* contra *Persecutores Ecclesiæ*, vel pro *Papa*, fit tantum *Commemoratio Festi Simplicis* occurrentis, nullâ additâ ad illam alia *Oratione* in ejusmodi *Missâ* feriali. *Præfatio* de *S. Cruce*. In fine *Benedicamus*. Col. *Viol.*

Porro hætenus dicta de modo dicendi *Missas Festivas*, ac *Feriales* infra hanc Hebdomadem, intelligenda sunt de *Missis* privatis (in quacunque demum *Ecclesia* legantur) ac ijs duntaxat solennibus, quæ extra *Ecclef.* *Cathed.* & *Colleg.* decantantur: nam (ut jam supra *Tit. II. §. 7.* de *Fer. IV.* *Cinerum* est adnotatum) quando infra hanc Hebdomadem occurrat *Festum* 9. *Lectionum*, tunc in *Ecclesijs Cathedralibus* & *Collegiatis* sunt *duæ Missæ Conventuales*; Prima scilicet post dictam in *Choro Tertiam*, de *Festo*, in *Colore* eidem Festo conveniente. Secunda post *Nonam* in *colore Viol.* de *Fer. curr.* ut in *Propri.* de *Tempore*.

In

In ea, quæ dicitur de Festo, si sit Festum *Duplex*, nulla sit Commemoratio, nisi Festi *Simplicis* occurrentis; si autem sit Festum *Semiduplex*, 2. Oratio erit de Festo *Simplicis* occurrente tantum (si tale eodie occurrat) omisâ tertiâ pro Ecclesia, vel Papa. Si verò non occurrat Festum *Simplex*, 2. Oratio in ejusmodi Missa Conventuali Festivâ erit *Ecclesiæ*, vel pro Papa tantum; in neutro enim casu tunc tertiâ addendam esse in ea Missa Orationem, notat Gavant. Tom. 1. P. 1. Tit. 9. n. 5. & 8. ubi ex Durando subjungit quoque causam, cur *Tempore Passionis*, Paschæ & Pentec. minuatur numerus Orationum in *Missâ*, & Commemorationum seu suffragiorum in *Officio de Tempore*, itâ, ut non nisi *Simplicis* occurrentis tunc *Temporis* fiat Commemoratio. Reliqua in *Missâ Conventuali Festiva*, dicuntur ut supra, scilicet cum *Gloria*, Tractu post Graduale, Præfatione de *Passione* (nisi propriam habeat) & in fine *Ite*, & *Evang. S. Joannis*. Color Festi conveniens. In *Missâ* verò *Conventuali altera*, quæ (sine *Glor.* & *Cred.*) dicitur de *Feria*, Oratio 2. *Ecclesiæ*, Vel pro Papa tantum; nec fit in ea Commemoratio ullius Festi die illo occurrentis: *Gav. loc. cit. n. 5. in fin.* Præf. de S. Cruce. In fine *Benedicamus*, & *Evang. S. Joannis*, *Col. Viol.* In *Missis Vori-*

L 2

vis privaria (etiamsi sint de *Cruce*, aut *Passione*) quæ hoc *Tempore* leguntur, dicuntur 3. Orationes ad eum modum, quò in *Semiduplicibus* hujus *Temporis*; quia *Missæ Votivæ* non sunt *Missæ de Tempore*, ut notat Gerlac. Vinit. P. 1. Tit. 9. §. 8. & 14. & ex eo Lohn. Instr. 1. P. 2. Tit. 11. n. 7.

Vesperæ (Si neque hodie, neque cras occurrat Festum 9. *Lectio-* num) dicuntur de *Feria* currente in hunc modum: *Antiphonæ*, & *Psalmi* de *Feria* currente, ut in *Psalterio* per annum: *Capitulum*: *Tu autem Domine Sabaoth &c.* uti *Feria II.* in *Propr. de Tempore*. *Hymnus* (*Vexilla Regis*) & *Versus* (*Eripe me Domine ab homine malo &c.* ex 1. *Vesperis* *Dominicæ* præcedentis. *Antiphona* ad *Magnificat* & *Oratio* (cui præmittuntur *Preces feriales flexis genibus*) propria ex *Proprio de Tempore*. Ad *Completorium* in *Responsor.* brevi omittitur *Gloria Patri*, & ante *Orationem* pariter dicuntur *Preces feriales flexis genib.* ut ibi. *Col. Viol.*

FERIA III. IV. V. VI. ac *Sabbatò* *Seqq.* usque ad *Vesperas* ante *Dominicam* in *Palmis* exclusivè *Officium & Missa* dicuntur ad *Normam* *Feriæ II.* proximè præcedentis, hoc est, modò paulò antè hîc annotatò; nisi quòd *Fer. IV.* ante *Matutinum* dicantur in *Choro* *Psal. Gradus.* & c. *Feria VI.* verò post *Laudes*

des

des diei dicantur in Choro *Psal. Pœnitentia*, cum *Litanij* flexis genibus, si Officium fiat de Feria; ac demum Sabbatò ad Primam ante Versum: *Pretiosa &c.* annuntianda sit in Choro à Lectore Martyrologij seu Hebdomadario *Dominica Palmarum*, & quidem ante Festa seu primò locò.

Norandum quoque est, Feriâ VI. post Dominicam Passionis alicubi, & nominatim in Nostra Germania, celebrari ex Indulto Apostolico FESTUM 7. DOLORUM B. M. V. sub Ritu Duplici, dicendo *Officium & Missam*, prout respectivè notantur vel in Proprio Sanctorum post Festum Annunt. in aliquibus Missalib. vel in Supplemento Breviarij, ac Missalis Romani, ubi huic Festo adscribitur quidem *Ritus Duplex* (at tamen sine addito) pro omnibus Hispaniarum Regi subiectis: cum ergo, quotiescunque pro Officio aliquo concessus reperitur *Ritus Duplex* absque expressione *Majoris* vel *minoris*, concessio intelligenda sit de *Duplici minore per annum*, etiamsi ad honorem DEI parè extiterit facta (uti à S. R. C. 1683. 20. Novembr. decretum esse asserit Henr. Pissart *Direct. Canon. Ref. 6. in tit. 1. Rubr Breviar.*) ibi sub Ritu tantùm *Duplici minore* erit celebrandum: at verò Directoria Diocesana Germaniæ tribuunt huic Festo passim *Ritum Duplicem Majorem*: quo verò jure aut fundamentò id faciant,

mihî non constat: legi apud quemdam Anonymum in fine hujus Officij Indultum Clem. X. in quo 1674. 1. Mart. ad Instantiam Augustiss. Imperatric. Eleonoræ concedit Pontifex, ut Feriâ VI. post Dominicam Passionis in ejus Sacello aulico, ac etiam in Germania Festum 7. Dolorum cum ejus Officio proprio possit celebrari; de Ritu autem non alia ibi sit mentio, quàm quòd eò modò, quò in Italia, Regniq; Hispaniarum de Indulto Sedis Apostolicæ celebratur, etiam isthic illud liceat celebrare. Fortè ex eo, quòd omnia *Festa Duplicia* B. M. (idem est de eorù Octav.) concurrentia cum alio Duplici minore habeant Vesperas integras ex Decrero S. R. C. de anno 1691. Die 11. Augusti emanato, Directoria suprâ dicta Diocesana intulerunt, Festo Sept. Dolorum B. V. *Ritum Dupl. Majorem* competere; at hoc non sequi, alibi dicitur. Interim quævis Diocesis, ac Provincia, cui indultum est celebrare memoratam 7. Dolorum Festivitatem, quoad Ritum se dirigit juxta Tenorem Indulti, cujus Copiam fortassis reperies in Bullario Cherubini, aut ejus Supplemento, quo ego impræsentiarum careo.

Quòd si Feriâ VI. post Dominicam Passionis occurrat Festum aliud 1. vel 2. Classis, tunc Festum Sept. Dolorum transfertur ad Sab-
barum

batum proximum ante Palmas, non impeditum Festo 9. Lectionum, si autem hoc sit impeditum Festo aliò 9. Lectionum, illò annò omitti debet Festum Dolorum, nec unquam transferri ad Tempus Paschale, uti constat ex Rubric. propr. ei præfixâ. Posse tamen dici Missam Votivam de hoc Festo, seu Mysterio, etiam Tempore Paschali, constat ex Rubricis ipsius Missæ, quæ inter alia monent: Sequentiam *Stabat Mater* &c. dicendam solummodo in *Die Festivitatibus*, non item in *Missis votivis*; Tempore autem Paschali (omissò Graduali, & Tractu) in iisdem *Missis votivis* dicendum esse *Alleluja, Alleluja*, ac reliqua ut ibi. Circa Officium verò hujus Festi observandum est 1. Hymnos Horarum terminari versu: *Jesu tibi sit Gloria, qui natus es* &c. 2. ad Primam in Responsorio brevi dicendum: *qui passus es pro Homine*. 3. In eodem Officio faciendam Commemorationem de Feria currente, ac Festo Simplici occurrente cum 9. Lectione de eadem Feria, & ultimo ejus Evangelio in *Missâ*, in qua *Gloria, Credo, Tractus, & Sequentia*; item

Commemoratio Feriæ occurrentis, ac Simplicis unâ forsan occurrentis: Præfatio de B. V. *Te in Transfixione* Col. Alb. Ubi sunt 2. Missæ Conventuales, Una de Festo, altera de Feria, in 1. dic. *Glor. Cr. Præf. Te in Transfix.* ac ult. Evang. S. Joan. nec in ea sit Commemoratio Feriæ. In 2. verò nec *Glor.* dicitur nec *Credo*: at Præfat. de *Cruc. Benedicamus.* ult. Evang. S. Joan. Col. *Viol.* Quando in diem antecedentem, aut subsequentem hoc Festum &c, incidit Festum *Annuntiationis B. M. V.* tunc in 2. aut 1. Vesperis *Annuntiationis* non est faciendâ Commemoratio *Festû 7. Dolor.* sed tantum *Feriæ.* Quando autem incidit in diem 18. Martij (uti contigit 1712.) tunc Vesperæ II. dicendæ sunt integræ de Festo sequenti S. Josephi, cum Commemoratione tamen de Festo præced. & feriæ, necnon ad Hymnum *Completorij* dicendo: *Jesu tibi sit Glo. &c.*

Ad *Vesperas* Sabbati ante Palmas quod attinet, Vesperæ eodem proportionaliter modò sunt dicendæ, quò Sabbatò ante Dominicam *Passionis* proximè præcedente, ut ibi pluribus declaratum. Idem est de *Completorio* istius Sabbati.

